

Broj: 01-11-4-1275-19/25
Sarajevo, 10.11.2025.godine

Na osnovu člana 69. stav I. tačka e) i člana 70. stav 1. stav 3. i stav 6. Zakona o javnim nabavkama („Službeni glasnik BiH“, broj 39/14, 59/22 i 50/24), a na Preporuku Komisije za javnu nabavku imenovane Rješenjem broj: 01-11-4-1275-1/25 od 07.07.2025.godine, u ponovnom postupku odlučivanja, a u skladu sa Rješenjem Ureda za razmatranje žalbi, broj: JN2-03-07-1-1586-7/25 od 30.10.2025.godine, u Otvorenom postupku javne nabavke – Plastenici sa konstrukcijom od metalnih cijevi (isporuka i montaža), federalni ministar, **d o n o s i:**

O D L U K U **O IZBORU NAJPOVOLJNIJEG PONUĐAČA**

Član 1.

Prihvata se Preporuka Komisije za javne nabavke u ponovnom postupku odlučivanja, broj: 01-11-4-404-1275-18/25 od 10.11.2025.godine, a u skladu sa Rješenjem Ureda za razmatranje žalbi, broj: JN2-03-07-1-1586-7/25 od 30.10.2025.godine, da se u cilju odabira najpovoljnijeg ponuđača u Otvorenom postupku javne nabavke - Plastenici sa konstrukcijom od metalnih cijevi (isporuka i montaža), okvirni sporazum sa jednim ponuđačem na period od dvije godine, dodijeli ponuđaču,

„ITC“ d.o.o. Zenica, sa registriranim sjedištem u Zmaja od Bosne bb., 72000 Zenica, BiH, ID: 4218146790003, sa najbolje ocijenjenom i prihvatljivom Ponudom, broj: 1100-1110-80 od 20.08.2025.godine, za ponuđenu cijenu od **247.457,10 KM** (bez uključenog PDV-a).

Član 2.

Prijedlog Ugovora o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o rezultatima postupka.

Član 3.

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav 1. tačke a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u roku od 5 dana. Rok od 5 dana teče od dana dobijanja/preuzimanja Odluke o izboru najpovoljnijeg ponuđača.

Član 4.

Ova Odluka objavit će se na web-stranici Ugovornog organa (www.fmroi.gov.ba) istovremeno s upućivanjem obavještenja ponuđačima o rezultatima postupka, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o Ź e n j e

Otvoreni postupak javne nabavke roba Plastenici sa konstrukcijom od metalnih cijevi (isporuka i montaža), pokrenut je Odlukom o pokretanju postupka javne nabavke broj: 01-11-4-1275/25 od 03.7.2025.godine. Procijenjena vrijednost javne nabavke je 250.000,00 KM bez PDV-a.

Kriterij za dodjelu ugovora je "najniža cijena".

Obavještenje o nabavci, broj: 668-1-1-71-3-36/25 je objavljeno na Portalu javnih nabavki (www.ejn.gov.ba) dana 10.07.2025. godine. Komisija za javnu nabavku imenovana je Rješenjem Ugovornog organa, broj: 01-11-4-1275-1/25 od 07.07.2025.godine.

Nakon provedene procedure, Ugovorni organ je donio Odluku o izboru najpovoljnijeg ponuđača broj: 01-11-4-1275-10/25 od 09.09.2025.godine, kojom je kao najpovoljnijeg sa rang liste izabrao ponuđača „Fruit prom“ d.o.o. Čelić, sa ponuđenom cijenom od 201.298,00 KM bez PDV, poslije održane e-Aukcije. Na predmetnu Odluku izjavljena je žalba od strane ponuđača „ITC“ d.o.o. Zenica. Ured za razmatranje žalbi BiH-filijala Mostar, je donio Rješenje broj: JN2-03-07-1-1586-7/25 od 30.10.2025.godine, kojim se usvaja žalba Žalitelja kao osnovana i poništava Odluka o izboru najpovoljnijeg ponuđača broj: 01-11-4-1275-10/25 od 09.09.2025.godine, te predmet vraća na ponovno odlučivanje ugovornom organu.

S tim u vezi, u ponovnom postupku pregleda i ocjene ponuda, shodno stavovima iz Rješenja URŽ-a, Komisija je konstatovala da, ponuda ponuđača „ITC“ d.o.o. Zenica, je jedina prihvatljiva za ugovorni organ, da e-Aukcija nije primjenjiva shodno članu 4. Stav (2) Pravilnika o načinu korištenja e-Aukcije („Službeni glasnik BiH“ broj: 80/23), kojim je propisano da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona. Naime, Komisija je konstatovala da se prednje navedenim rješenjem URŽ-a, o poništenju Odluke o izboru najpovoljnijeg ponuđača, broj: 01-11-4-1275-10/25 od 09.09.2025.godine, poništava i e-Aukcija broj postupka: 668-1-1-71/25 od 05.09.2025. godine, iz Izvještaja o toku i završetku e-Aukcije iz Sistema e-nabavke, budući da je u konkretnom slučaju prihvatljiva jedna ponuda predmetne nabavke.

U postupku donošenja ove Odluke posebno su cijenjene činjenice da je Komisija, shodno stavovima i navodima iz Rješenja URŽ-a, u ponovnom postupku potpuno izvršila ocjenu kvalificiranosti ponuđača, te ocjenu prispijelih ponuda, shodno kriterijima iz tenderske dokumentacije.

Uvažavajući argumente i navode iz Rješenja URŽ-filijala Mostar, a u ponovnom postupku ocjene i pregleda ponuda, izbor najpovoljnijih ponuđača izvršen je u skladu sa Zakonom o Javnim nabavkama („Službeni glasnik BiH“ broj: 39/14, 59/22 i 50/24).

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH“ broj: 39/14, 59/22 i 50/24), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu datom u tenderskoj dokumentaciji.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

M I N I S T A R

Nerin Dizdar

Dostaviti:

- Svim učesnicima u postupku
- Web stranica Ministarstva
- Dokumentacija Komisije
- a/a